

隋經藉志考證

隋經籍志考證卷十二

刑灋

律本二十一卷

杜預撰

晉書杜預傳預與賈充等定律令既定預爲之注解乃奏之
通典刑門司馬文王秉魏政命賈充鄭冲荀顗荀勗羊祜王
業杜友杜元凱裴楷周雄郭頤成公綏柳軌榮邵等定法律
就漢九章增十一篇仍其族類正其體號改舊律爲刑名法
律辨囚律爲告劾繫訊斷獄爲盜律爲請賊詐僞水火毀亡
因事類爲衛宮違制撰周官爲諸侯律合二十篇六百三十
條二萬七千六百五十七言唐六典曰晉氏受命命賈充等
增損漢魏律爲一十篇一刑名二法例三盜律四賊律五詐

偽六請賊七告劾八捕律九繫訊十斷獄十一雜律十二戶
律十三擅興律十四毀亡十五衛宮十六水火十七廩律十
八關市十九違制二十諸侯凡一千五百三十條北堂書鈔
刑法部藝文類聚刑法部杜預律序曰律以正罪名令以序
事制二者相須爲用也唐志賈充杜預刑法律本二十一卷
漢晉律序注一卷 晉僮長張斐撰

史記平準書索隱欽狀如跟著足下以代臚至魏武改以代
別也北堂書鈔刑法部贖罰誤者之試又曰鄭鑄刑書晉作
執秩 藝文類聚刑法部又云趙制國律楚造僕 又曰政事之

經萬機之緯

藝文類聚同

太平御覽刑法部張湯制越官律趙禹

作朝會正見律又曰情者心也心戚則情動於中而形於外
故姦人則必心愧而面赤內悼而色奪又曰徒加不過六囚

加不過五累答不過千二百又曰髡者刑之威秋凋落之象
並引張斐律序又書鈔刑法部贖死金二斤贖囚金四兩諸
侯不敬皆贖論八議得減皆收贖御覽刑法部鉗重二斤翹
長一尺五寸

廣韻同

又曰諸有所督罰五十以上鞭如令平心

無私而以事死者二歲刑又曰吏犯不孝雖遇赦皆除名爲
民又曰除名比三歲刑又曰其當除名而所取飲食所用之
物非以爲財利者應罰金四兩以下勿除名又曰其年老小
篤癰病及女徒皆收贖又曰諸應收贖者皆月入中絹一匹
老小女人半之並引晉律又書鈔曰梟斬者令上不及天下
不及地也作晉律注又御覽曰髡鉗五歲刑答二百若詐爲
將吏越武庫垣兵守逃歸家兄弟保人之屬并五歲刑也四
歲刑若闌上殿間上變事露泄選舉事訐發密事毆兄姊之

屬並四歲刑也三歲刑若偽造官印戲殺人之屬並三歲刑也二歲刑若挾天文圖讖之屬並二歲刑也此引晉律每句下皆爲注文而不著張斐注未知是斐本注否

雜律解二十一卷

張斐撰

唐志張斐律解二十卷

舊唐志二十一卷

一切經音義小曰鐘大曰

鐙二語引張斐解晉律

魏晉律令

卷亡

不著錄

唐六典魏氏受命乃命陳羣等採漢律爲魏律十八篇增漢蕭何律劫掠詐僞毀亡告劾繫訊斷獄請賊驚事償贓等九篇也通典刑門魏文詔陳羣劉劭等定魏新律十八篇州郡令四十五篇尙書官令軍中令合百八十餘篇顏師古匡謬正俗問曰今官曹文案於紙縫上署記謂之欸縫者何也答

曰此語言元出魏晉律令太平御覽刑法部劉劭律略曰刪舊科採漢律爲魏律懸之象魏時序部引魏武明罰令兵部引魏武船戰令步戰令軍策令內戒令職官部引魏武選令初學記職官部北堂書鈔設官部引晉官品令御覽皇親部引晉服制令又時序部引有祠令言季夏土王日祀黃帝迎氣日祀中雷立秋祀白帝立秋後祀貝星季冬藏冰祭司寒之神又車部引鹵簿令言天子玉輅金輅象輅皇太子金輅王公象輅及指南車記里車辟惡安車羊車玉鉞車十餘事皆不著明魏晉附此存考唐志有劉劭律略論五卷

齊永明律八卷

宗躬撰

不著錄

見唐志通典曰齊武帝令刪定郎王植之集注張杜舊律合爲一書凡千五百三十條事未施行其文殆滅唐六典曰宋

及南齊律之篇目及刑名之制略同晉氏南齊書東昏侯紀
永泰元年冬詔刪省科律

晉宋齊梁律二十卷

蔡法度撰

唐志作條鈔晉宋齊梁律二十卷

梁律二十卷

梁義興太守蔡法度撰

梁書武帝紀天監二年夏尚書刪定郎蔡法度上梁律二十
卷通典曰梁武時蔡法度能言齊王植之律於是使損益舊
本以爲梁律天監初又令王亮等定爲二十篇凡定罪二千
五百二十九條唐六典曰梁命蔡法度沈約等十人增損晉
律爲二十篇一刑名二法例三盜劫四賊叛五詐僞六受賕
七告劾八討捕九繫囚十斷獄十一雜獄十二戶獄十三擅
興十四毀亡十五衛宮十六水火十七倉庫十八廐律十九

關市二十違制其刑名之制加晉律陳書沈洙傳曰梁代舊

律測囚之法曰一上起自晡鼓盡於二更唐志同卷西陽雜俎續集

黥篇引梁朝雜律凡四未斷先刻面作刵字

後魏律二十卷

通典曰後魏正平初令胡方回游雅改定律制唐六典曰太武帝命崔浩

定刑名於漢魏以來律凡三百七十條文成帝太安中人增律七十九

章孝文太和初又令高閭修改舊文隨例增減凡八百三十

二章唐六典曰後魏初命崔浩定令後命游雅等成之史失

篇目

北齊律十二卷目一卷

唐志趙郡王叡北齊律二十卷通典曰北齊文宣受禪後議

造齊律積年不成其決獄猶依魏舊式武成河清三年尙書

令趙郡王叡等奏上齊律十二篇唐六典曰凡定罪九百四十九條大抵採魏晉故事至武帝又造刑書要制與律兼行宣帝廣刑書要制爲刑經聖制謂之法經

麟趾格四卷

文襄帝時撰

不著錄

見唐志北齊書王渾傳渾刪定麟趾格崔暹傳暹主議麟趾格封述傳天平中增損舊事爲麟趾新格其名法科條皆述刪定

陳律九卷

范泉撰

陳書高祖紀永定元年立刪定郎詔定律令王冲傳冲參撰律令沈洙傳梁代舊律測囚之法曰一上起自舖鼓盡於二更及比部郎范泉刪定律令以舊法測立時久非人所堪通典曰陳武令刪定郎范泉參定律令又令徐陵等知其事制

律三十卷

唐六典范泉徐陵定律三十卷唐志范泉九卷

周律二十五卷

周書武帝紀保定三年二月初頒新律通典曰周文秉西魏政令有司斟酌今古變通修撰新律革命後武帝保定三年司憲大夫拓拔迪奏新律謂之大律舊唐志稱周大律凡二十五篇唐六典曰後周命趙肅拓拔迪定令史失篇目新唐志趙肅等周律二十五卷

周大統式三卷

周書文帝紀魏大統元年太祖以戎役屢興民吏勞弊乃命所司斟酌今古參考變通可以益國利民便時適治者爲二十四條新制奏魏帝行之七年太祖奏行十二條制恐百官不勉於職事又下令申明之十年魏帝以太祖前後所上二

十四條及十二條新制方爲中興永式乃命蘇綽更損益之
總爲五卷頒於天下於是搜簡賢才以爲牧守令長皆依新
制而遣焉唐六典注曰綽損益爲五卷謂之大統式唐志蘇綽三卷

隋律十二卷

通典隋文帝初令高頴等更定新律後又勅蘇威牛宏等更

定新律凡十二卷

唐六典唐志卷同

隋大業律十一卷

通典曰煬帝勅修律令三年新律成凡五百條爲十八篇謂
之大業律唐志十八卷

晉令四十卷

唐六典曰晉命賈充等撰令四十篇一戶二學三貢士四官
品五吏員六俸廩七服制八祠九戶調十佃十一復除十二

關市十三捕亡十四獄官十五鞭杖十六醫藥疾病十七喪
葬十八雜上十九雜中二十雜下二十一門下散騎中書二
十二尚書二十三三臺祕書二十四王公侯二十五軍吏員
二十六選吏二十七選將二十八選雜士二十九官衛三十
十贖三十一軍戰三十二軍水戰三十三至三十八皆軍法
三十九四十皆雜法愚按南齊書輿服志云晉服制令冠十
三品通典禮門云晉喪葬令長吏卒官吏皆以喪服理事若
代者至皆除之唐六典云晉官品令游擊將軍四品初學記北堂書
鈔引晉官品令御覽引晉服制令此晉令分篇之可見者餘所引多統稱晉
令御覽又引有祠令或即入祠分篇唐志卷同

梁令三十卷

錄一卷

唐六典曰梁初命蔡法度撰梁令三十篇一戶二學三貢士

贈官四官品五吏員六服制七祠八戶調九公田十醫藥疾
病十一復除十二關市十三劫賊水火十四捕亡十五獄官
十六鞭杖十七喪葬十八雜上十九雜中二十雜下二十一
宮衛二十二門下散騎中書二十三尙書二十四三臺祕書
二十五王公侯二十六選吏二十七選將二十八選雜士二
十九軍吏三十軍賞梁書武帝紀天監二年蔡法度上梁令
三十卷

唐志卷同

唐六典雜號將軍甯遠將軍並引梁官品令

梁科三十卷

梁書武帝紀天監二年蔡法度上梁科四十卷

南史同

唐六典

曰梁易故事爲梁科三十卷唐志二卷

北齊令五十卷

唐六典曰北齊趙郡王叡等撰令五十卷取尙書二十八曹

爲其篇唐志八卷

北齊權令二卷

通典曰北齊河清中有司奏上齊律其不可爲定法者別爲權令二卷與之並行

陳令三十卷

范泉撰

唐志同

陳科三十卷

范泉撰

通典曰陳武帝令徐陵等制科三十卷唐志卷同

隋開皇令三十卷

目一卷

唐六典曰隋開皇命高頴等撰令三十卷一官品上二官品下三諸省臺職員四諸寺職員五諸衛職員六東宮職員七行臺諸監職員八諸州郡縣鎮戍職員九命婦品員十祠十

一戶十二學十三選舉十四封爵俸廩十五考課十六宮衛
軍防十七衣服十八鹵簿上十九鹵簿下二十儀制二十一
公式上二十二公式下二十三田二十四賦役二十五倉庫
廩牧二十六關市二十七假寧二十八獄官二十九喪葬三
十雜太平御覽車部引鹵簿令唐志牛宏等隋開皇令三十卷舊唐志作斐正等
漢建武律令故事二卷梁有隋亡

唐六典曰編錄當時制勅永爲法則以爲故事漢建武有律
令故事上中下三篇皆刑法制度也唐志三卷

晉故事三十卷

賈充等撰 不著錄

唐六典曰晉賈充等撰律令兼刪定當時制誥之條爲故事

三十卷

通典卷同與律令並行

集定張杜律注二十卷

齊孔稚圭等撰 不著錄

南齊書孔稚圭傳江左相承用晉世張杜律二十卷世祖留心法令詔獄官詳正舊注先是七年刪定郎王植撰定律章表奏之曰臣尋晉律文簡辭約旨通大綱事之所質取斷難釋張斐杜預同注一章而生殺永除自晉泰始以來惟斟酌參用是則吏挾威福之勢民懷不懟之怨陛下發德音刪正刑律勅臣集定張杜二注謹削其煩害錄其允衷取張注七百三十一條杜注七百九十一條或二家兩釋於義乃備者又取一百七條其注相同者取一百三條集爲一書凡一千五百三十二條爲二十卷請付外詳校至九年稚圭上表曰臣與公卿八座共刪注律司徒臣子良創立條緒臣宋躬臣王植等抄撰同異其中洪疑大議聖照元覽斷自天筆就成律文二十卷錄序一卷

漢朝議駁三十卷

應劭撰

後漢書應劭傳初安帝時河間人尹次潁川人史玉皆坐殺人當死次兄初及玉母軍並詣官曹求代其命因縊而物故尚書陳忠以罪疑從輕議活次玉劭後追駁之據正典刑有可存者劭凡爲駁議三十篇皆此類也文心雕龍議對篇曰漢世善駁則應劭爲首唐志卷同又故事類有劭漢朝駁無議

字三十卷自是重出

律略論五卷

應劭撰梁有隋亡

唐志作劉邵太平御覽刑法部引劉劭律略

晉雜議十卷

唐志入故事類

晉彈事十卷